

Kristof Solio, direktor Asocijacije BiH 2005.



Kristof Solio: konferencija za Bosnu

Foto: D. TORCHE

Za "revoluciju" u BiH ima vremena

Međunarodna konferencija "10 godina Dejtona i poslije" biće održana u Ženevi 20. i 21. oktobra

U Ženevi će 20. i 21. oktobra, u organizaciji Asocijacije BiH 2005, biti održana međunarodna konferencija pod nazivom *Deset godina Dejtona i poslije*. Stotinjak stručnjaka iz BiH i svijeta putem panel-diskusija o svim aspektima društveno-političkog života u našoj zemlji pokušaće iznjedrati konkretna rješenja za vidljive promjene u BiH.

Izvršni direktor Asocijacije **Kristof Solio** priznaje da je već zasićen seminarima i konferencijama o BiH koje su organizovane prethodnih godina, ali ističe da je ova predstojeća sasvim drugačija.

Sindrom zavisnosti

"Ovo nije konferencija o Bosni, već za Bosnu. Namjera nam je da stvorimo kritičnu masu koja može preokrenuti stvari. Svako ko dođe na konferenciju mora biti svjestan da ne treba držati govore o BiH, već ponuditi konkretne prijedloge", kaže Solio.

Krajem prošle godine izjavio je da je nesumnjiv cilj ženevske konferencije zatvaranje Ureda visokog predstavnika u BiH. I danas tako misli.

Učesnici konferencije

Na međunarodnoj konferenciji u Ženevi, između ostalih, učestvovali će: **Donald Hejs, Wolfgang Petrič, Predrag Matvejević, Jakob Finci, Boris Tihi, Pedit Ešdaun** i njegov nasljednik, čije ime javnosti još nije poznato. Prisustvo velikog broja domaćih i evropskih lobista za bolju budućnost BiH na jednom mjestu potvrđuje njihovo istinsko opredjeljenje za ovu zemlju, a možda je i garancija da su suštinske promjene u BiH zaista moguće. I to do kraja godine.

"Nema sumnje da visokom predstavniku hitno treba oduzeti bonse ovlasti, ali to zavisi od političke situacije u zemlji i spremnosti domaćih vlasti da preuzmu odgovornost. Izlazna strategija OHR postoji i ona će biti sve vidljivija. Međunarodnoj zajednici je, na kraju, stalo da proda uspješnu priču o BiH. Međutim, nemoguće je za sve neuspjehe okriviti samo jednu stranu. U BiH postoji sindrom zavisnosti od međunarodne zajednice, ali ljudi moraju stati na

Razlike među ljudima nisu problem

Razlike među ljudima u BiH nisu problem ove zemlje, vjeruje Solio. Njih je, kaže, bilo i prije rata, pa zašto ih ne bi bilo i danas. Problem je što su one iskorištene za održanje nečije moći, a u tu zamku je upala i međunarodna zajednica.

"Možda Afrikanci i Albanci ne pripadaju istom entitetu, ali tvrditi to za narode u BiH je glupost", zaključuje Solio.

svoje noge", smatra Solio.

Na konferenciji će biti riječi i o ustavnim promjenama u BiH, ali Asocijacija, ističe Solio, ne želi da sanja i nudi novi ustav.

"Ljudi možda nisu ni svjesni da već postoji i previše prijedloga ustavnih promjena, problem je što nema rezultata u primjeni. Sporazum sa Mrakovice, koji je bio tiha promjena Ustava, još nije realizovan. I šta da radimo s Ustavom ako ga građani ne podržavaju", pita naš sagovornik.

Šta će nam Ustav...

Prihvatajući da je manjak nacionalnog konsenzusa u BiH prepreka svakoj suštinskoj promjeni najbolje, Solio je uvjeren da će do njega ipak doći.

"Činjenica da OHR neće otići, već rekonstruisati svoju ulogu u specijalnog predstavnika EU, donijee neke kvalitativne promjene. Lokalni dužnosnici će, korak po korak, preuzeti više odgovornosti i postati sve važniji u očima građana. A, kada građani budu glasali, znaće da je stvarna odgovornost na tim političarima, a ne na **Peditu Ešdaunu**", vjeruje Solio.

U više navrata je isticao kako vjeruje da će 2005. biti prekretnica za prelazak BiH iz dejtonske u briselsku fazu, što se, očigledno, nije dogodilo. Solio, međutim, vjeruje da do kraja godine ima još vremena.

"To je i dalje moguće, godina još nije gotova, još ima vremena da napravimo revoluciju", kaže on, vjerujući da konferencija u Ženevi zaista može potaknuti preokret. Znaćemo to, dodaje, već dan poslije.

M. KAVAZ-SIRUČIĆ